

O‘ZBEKISTON RESPUBLIKASI
OLIY TA’LIM, FAN VA INNOVATSIYALAR VAZIRLIGI

*60411100 – Jahon iqtisodiyoti va xalqaro iqtisodiy munosabatlar
bakalavriat ta’lim yo‘nalishining*

MALAKA TALABI

Toshkent - 2024

EN Oliy
Buyruq № 218
2024 yil "25" 06

ISHLAB CHIQLILGAN:

Jahon iqtisodiyoti va diplomatiya universiteti

TASDIQLANGAN VA AMALGA KIRITILGAN:

O'zbekiston Respublikasi Oliy ta'lim, fan va innovatsiyalar vazirligining

2024-yil "25" 05 dagi 218-sonli buyrug'i bilan

JORIY ETILGAN:

O'zbekiston Respublikasi Oliy ta'lim, fan va innovatsiyalar vazirligi

Mazkur Malaka talablari "Oliy ta'lim davlat ta'lim standarti. Asosiy qoidalar", "Oliy ta'lim davlat ta'lim standarti. Oliy ta'lim yo'nalishlari va mutaxassisliklari klassifikatori", O'zbekiston Respublikasi Milliy va tarmoq malaka doiralari (ramkasi), kasbiy standartlar va kadrlar buyurtmachilari takliflariga muvofiq ishlab chiqilgan va rasmiy me'yoriy-uslubiy hujjat hisoblanadi.

O'zbekiston Respublikasi hududida Malaka talablarini rasmiy chop etish huquqi O'zbekiston Respublikasi Oliy ta'lim, fan va innovatsiyalar vazirligiga tegishlidir.

MUNDARIJA

T/r		bet
1.	<i>Umumiy tavsifi</i>.....	4
1.1	Qo'llanish sohasi	4
1.1.1.	Malaka talabining qo'llanishi.....	4
1.1.2.	Malaka talablarining asosiy foydalanuvchilari.....	4
1.2.	Kasbiy faoliyatlarining tavsifi.....	4
1.2.1.	Kasbiy faoliyatlarining sohalari	4
1.2.2.	Kasbiy faoliyatlarining obyektlari	4
1.2.3.	Kasbiy faoliyatlarining turlari.....	5
1.2.4.	Kasbiy vazifalari.....	5
2.	Kasbiy kompensiyalariga qo'yiladigan talablar.....	7
3.	Amaliyotlarga qo'yiladigan talablar.....	8
4.	Fanlar katalogining tuzilishi.....	9
	Bibliografik ma'lumotlar.....	10
	Kelishuv varag'i.....	11

1. Umumiy tavsifi

60411100-Jahon iqtisodiyoti va xalqaro iqtisodiy munosabatlar ta'lim yo'nalishi bo'yicha bakalavrlar tayyorlash kunduzgi ta'lim shaklida amalga oshiriladi. Barcha ta'lim shakllari bo'yicha o'qitish kredit-modul tizimi asosida tashkil qilinadi. Kunduzgi ta'limda bakalavriat dasturining me'yoriy muddati 4 yil.

1.1. Qo'llanish sohasi

1.1.1. Malaka talabining qo'llanilishi

Malaka talabi 60411100 – Jahon iqtisodiyoti va xalqaro iqtisodiy munosabatlar ta'lim yo'nalishi bo'yicha bakalavrlar tayyorlovchi barcha oliy ta'lim tashkilotlari uchun talablar majmuyini ifodalaydi.

1.1.2. Malaka talablarining asosiy foydalanuvchilari:

Mazkur ta'lim yo'nalish bo'yicha malaka talablari, o'quv reja va fan dasturlarini ishlab chiqish va uning ta'limga integratsiyasini ta'minlash, ular asosida o'quv jarayonini samarali amalga oshirish uchun mas'ul hamda o'z vakolat doirasida bitiruvchilarning tayyorgarlik darajasiga javob beradigan oliy ta'lim tashkilotining boshqaruv xodimlari (rektor, prorektorlar, o'quv-uslubiy bo'limi boshlig'i, dekanlar va kafedra mudirlari) va professor-o'qituvchilari;

ta'lim yo'nalishining o'quv rejasi va fan dasturlarini o'zlashtiruvchi oliy ta'lim tashkilotining talabalari;

bakalavriat bitiruvchilarining tayyorgarlik darajasini baholashni amalga oshiruvchi Davlat attestasiya komissiyalari;

ta'limni boshqarish bo'yicha vakolatli davlat organlari;

oliy ta'lim tashkilotlarini moliyalashtirishni ta'minlovchi organlar;

oliy ta'lim tizimini akkreditatsiya va sifatini nazorat qiluvchi vakolatli davlat organlari;

kadrlar buyurtmachilari va ish beruvchi tashkilot va korxonalar;

oliy ta'lim tashkilotlariga o'qishga kirayotgan abituriyentlar, ularning ota-onalari va boshqa manfaatdor shaxslar.

1.2. Kasbiy faoliyatlarining tavsifi.

1.2.1. Kasbiy faoliyatining sohalari:

60411100-Jahon iqtisodiyoti va xalqaro iqtisodiy munosabatlar – bakalavriat ta'lim yo'nalishi – fan va ishlab chiqarish sohasidagi yo'nalish bo'lib, u xalqaro savdoni tashkil etish va rivojlantirish, mamlakatlar o'rtasidagi xalqaro iqtisodiy integratsion munosabatlarni shakllantirish va rivojlantirish, jahon iqtisodiyotining xalqaro mehnat taqsimoti asosida rivojlanishini ta'minlash, xalqaro mehnat migratsiyasini tartibga solish, xalqaro valyuta-kredit munosabatlari va xalqaro kapital migratsiyasini tashkil etish va rivojlantirish, xalqaro iqtisodiy tashkilotlar faoliyatini rivojlantirish, mamlakatlarning tashqi iqtisodiy faoliyatini shakllantirish va rivojlantirish kabilarni o'z ichiga oladi. Shuningdek, “Jahon iqtisodiyoti va xalqaro iqtisodiy munosabatlar” ta'lim yo'nalishi sohaga tegishli tarmoq, korxonalar va bo'linmalarni rivojlantirishga, istiqbolli loyihalarni belgilashga, kasbiy ko'nikmaga, mutasaddilik qobiliyatiga yo'naltirilgan inson faoliyatining vositalari, usullari, metodlari va uslublarining majmuasini qamrab oladi.

Yo'nalish bo'yicha fan, texnika va texnologiyalarning zamonaviy yutuqlari, kadrlar buyurtmachilari va soha mutaxassislarining taklif va talablaridan kelib chiqqan holda bakalavrlarning kasbiy faoliyat sohalarida qo'shimcha va o'zgartirishlar kiritilishi mumkin.

1.2.2. Kasbiy faoliyatlarining obyektlari:

tashqi savdo va tashqi iqtisodiy faoliyatni tartibga soluvchi davlat tashkilotlari, tashqi ishlar vazirligining iqtisodiy diplomatiya bilan shug'ullanuvchi bo'linmalari, elchixonalar va konsulliklar, tashqi iqtisodiy faoliyat, ya'ni eksport yoki import faoliyati bilan shug'ullanuvchi davlat va nodavlat tashkilotlari (xususiy korxonalar), xorijiy investitsiyalar ishtirokidagi qo'shma korxonalar, korxonalar va tashkilotlardagi tashqi iqtisodiy faoliyat tuzilmalari va xizmatlari, oliy ta'lim muassalaridagi “Jahon iqtisodiyoti va xalqaro iqtisodiy munosabatlar” ta'lim yo'nalishi bo'yicha bakalavrlar tayyorlaydigan bo'linmalar, shuningdek, jahon iqtisodiyoti, xalqaro iqtisodiy munosabatlar va tashqi iqtisodiy faoliyat muammolarini o'rganadigan tadqiqot

markazlari.

60411100-Jahon iqtisodiyoti va xalqaro iqtisodiy ta'lim yo'nalishi bo'yicha bakalavriat bitiruvchilari pedagogik qayta tayyorlashdan o'tgandan keyin, professional ta'lim muassasalarida ta'limning vakolatli boshqaruv organlari tomonidan aniqlanadigan umumkasbiy va ixtisoslik fanlarini o'qitish bo'yicha pedagogik faoliyat bilan shug'ullanish huquqiga ega bo'ladi.

1.2.3. Kasbiy faoliyatlarining turlari:

- *ilmiy-tadqiqot;*
- *tashkiliy-boshqaruv;*
- *axborot-tahliliy faoliyat;*
- *ishlab chiqarish va xizmat ko'rsatish;*
- *tadbirkorlik.*

1.2.4. Kasbiy vazifalari

60411100-Jahon iqtisodiyoti va xalqaro iqtisodiy munosabatlar ta'lim yo'nalishi bo'yicha Milliy malaka ramkasining 6-malaka darajasi hamda bakalavr kasbiy faoliyatlarining sohalari, ob'ektlari va turlariga muvofiq bakalavriat bitiruvchisi quyidagi kasbiy vazifalarni bajarishga qodir bo'lishi lozim:

Ilmiy-tadqiqot faoliyatida:

ilmiy tadqiqot ishlarida jahon iqtisodiyoti va xalqaro iqtisodiy munosabatlar muammolariga oid turli-tuman loyihalarni tayyorlash va amalga oshirish bilan bog'liq bo'lgan tadbirlarda, shuningdek, sohaga oid ilmiy materiallarni tayyorlashda qatnashish;

jahon iqtisodiyoti va xalqaro iqtisodiy munosabatlar sohasiga oid maxsus adabiyotlar va boshqa ilmiy-texnik ma'lumotlar, shuningdek, sohaga oid mahalliy va xorijiy fan-texnika yutuqlarini o'rganish;

jahon iqtisodiyoti va xalqaro iqtisodiy munosabatlar sohasiga oid ilmiy tadqiqotlarni o'tkazish yoki loyiha ishlanmalarini bajarishda ishtirok etish;

belgilangan mavzular (topshiriqlar) bo'yicha ilmiy-texnik ma'lumotlarni yig'ish, qayta ishlash, tahlil qilish va tizimlashtirishni amalga oshirish;

ilmiy tadqiqot institutlari va ilmiy markazlarda ta'lim yo'nalishidagi fanlar va ularni o'qitish metodikasiga oid mavzularda tadqiqot olib borish;

jahon iqtisodiyoti va xalqaro iqtisodiy munosabatlarining muammolari bo'yicha iqtisodiy axborotlarni yig'ish, qayta ishlash, tahlil qilish va tizimlashtirish ishlarini amalga oshirish;

internet tarmog'ida eng yangi ilmiy yutuqlar haqidagi ma'lumotlarni maqsadga yo'nalgan holda qidirish va topish;

ta'lim yo'nalishidagi fanlarga oid ilmiy to'plamlar, mahalliy va chet el ilmiy tadqiqot yutuqlarini o'rganish;

ma'lumotlarni jamlash, qayta tayyorlash, mavzu bo'yicha ilmiy ma'lumotlarni tizimli tahlil qilish;

ilmiy muammolar yechimi natijalarini amaliyotga joriy etish qobiliyatlariga ega bo'lish;

mustaqil ta'lim va ijodiy qidiruv natijasida o'qitilayotgan fan hamda pedagogik faoliyat sohasidagi metodlar, vositalar va shakllar jabhalarida o'z-o'zini muntazam takomillashtirib borish qobiliyatlariga ega bo'lishi lozim.

Tashkiliy-boshqaruv faoliyatida:

fuqarolik jamiyatining dolzarb masalalarini bilishi, O'zbekistonni rivojlantirish strategiyasiga asoslangan faol hayotiy nuqtai nazarga ega bo'lishi;

dunyoqarash bilan bog'liq falsafiy bilimlarga tizimli ega bo'lishi, mustaqil tahlil qila olishi, kasbiy faoliyatida ularni hisobga ola bilishi;

Vatan tarixini bilishi, ma'naviy, milliy va umuminsoniy qadriyatlar masalalari yuzasidan o'z fikrini bayon qila olishi va ilmiy asoslay bilishi, milliy istiqloq g'oyasiga asoslangan faol hayotiy nuqtai nazarga ega bo'lishi;

xo'jalik yurituvchi subyekt faoliyatini rejalashtirish, hisob-kitob va tahlil qilish bo'yicha uslubiy ko'rsatmalar, huquqiy hamda me'yoriy-huquqiy hujjatlarni bilishi;

rejalashtirish, shu jumladan, tashqi iqtisodiy faoliyatni rejalashtirish ishlarini bilishi va tashkil etishi;

xo'jalik yurituvchi subyektning xo'jalik-moliyaviy va ishlab chiqarish faoliyati bo'yicha istiqbolli va joriy rejalarni (dasturlarini) ishlab chiqishi;

xo'jalik yurituvchi subyektlarni iqtisodiy faoliyatini oqilona tashkil etishda mamlakatimiz va xorij tajribalarini o'rganishi;

ishlab chiqarishning texnologik asoslarini bilishi;

xo'jalik yurituvchi subyektlarni texnika-iqtisodiy hisob-kitoblar va xo'jalik faoliyati tahlilini olib borishda axborot-kommunikatsiya vositalaridan foydalanishi;

mehnatni muhofaza qilish me'yor va qoidalariga amal qilishi;

tarmoqlar va sohalar bo'yicha korxonalarda ishlab chiqarish samaradorligini ta'minlash bo'yicha ilmiy tadqiqotlar yechimlarini amaliyotga tatbiq etishi;

fikrlar har xil bo'lgan sharoitda boshqaruvning oqilona qarorini qabul qilishi;

jahon iqtisodiyoti va xalqaro iqtisodiy munosabatlar subyektlarining faoliyatini tashkil etish va boshqarish nazariyasini bilish va uni amaliyotga joriy etish;

jahon iqtisodiyoti va xalqaro iqtisodiy munosabatlar subyektlarida inson resurslarini boshqarish usullari va jarayonlarini bilish va undan foydalana olish;

jahon iqtisodiyoti va xalqaro iqtisodiy munosabatlar subyektlari faoliyatini boshqarishni tahlil qilish va baholash usullarini bilish va amaliyotga tatbiq qilish;

Axborot-tahliliy faoliyatida:

zamonaviy axborot texnologiyalardan boshqaruvda foydalanish, ishlab chiqarish jarayonlari monitoringi va sifatini baholash usullari va mexanizmlarini ishlab chiqish;

ishlab chiqarish va boshqaruv qarorlarini qabul qilish uchun tashkilotning tashqi va ichki muhiti omillari to'g'risidagi ma'lumotlarni to'plash, qayta ishlash va tahlil qilish;

qaror qabul qilish, faoliyatni rejalashtirish va boshqarish uchun ma'lumot to'plash, tashkilotning ichki axborot tizimini yaratish va uning ishlashini boshqarish;

tashkilotning ichki hujjat aylanishi tizimini ishlab chiqish va boshqarish, tashkilotlar faoliyatining turli ko'rsatkichlari bo'yicha ma'lumotlar bazasini yuritish;

loyihalar samaradorligini baholash;

mulkdorlik shakllaridan qat'iy nazar korxonalar faoliyatini xalqaro amaliyot mezonlari, me'yorlari va talablari asosida tahlil qilish;

tarmoqlar va sohalar bo'yicha korxonalar ko'rsatkichlarining o'zgarish tendensiyalari va dinamikasini tahlil qilish;

tarmoqlar va sohalar bo'yicha korxonalar moliyaviy va statistik hisobotlarini tuzish hamda ularni sharhlash;

tahliliy masalalarni hal qilishda zamonaviy axborot texnologiyalari va texnik vositalardan foydalanish;

axborot-tahlil faoliyati natijalari bo'yicha hisobot tayyorlash.

Ishlab chiqarish va xizmat ko'rsatish faoliyatida:

jahon iqtisodiyoti va xalqaro iqtisodiy munosabatlar subyektlarida ishlab chiqarish resurslaridan samarali foydalanish va ularni barqaror rivojlanishini ta'minlash bo'yicha tavsiyalar ishlab chiqish;

jahon iqtisodiyoti va xalqaro iqtisodiy munosabatlar subyektlari o'rtasidagi iqtisodiy munosabatlarni tahlil qilish va samaradorligini oshirish bo'yicha tavsiyalar ishlab chiqish;

jahon iqtisodiyoti va xalqaro iqtisodiy munosabatlar subyektlarini boshqarish, hamda jarayonlarini amalga oshirish uchun zarur bo'lgan resurslarni aniqlash va rejalashtirish;

mamlakatimiz xo'jalik subyektlarining iqtisodiy faoliyatini oqilona tashkil etishda jahon tajribasini bilish va undan amaliyotda foydalanish qobiliyatlariga ega bo'lish;

jahon iqtisodiyoti va xalqaro iqtisodiy munosabatlarga oid asosiy bilim va tajribalardan amaliyotda foydalana olish;

transmilliy korporatsiyalar, xalqaro iqtisodiy tashkilotlar, integrasion birlashmalar yoki tuzilmalar, xalqaro moliyaviy institutlar va boshqa shu kabilar faoliyatini tashkil etish va

boshqarish to'g'risidagi bilimlardan amaliyotda foydalanish;

jahon iqtisodiyoti va xalqaro iqtisodiy munosabatlarga ta'sir qiluvchi omillarni ilmiy jihatdan tasniflay olish va bunday tasnifdan kelib chiqqan holda tahlil qila bilish;

jahon mahsulotlar va xizmatlar bozorining rivojlanish tendensiyalari va dinamikasini tahlil qila olish;

tashqi iqtisodiy faoliyat bilan shug'ullanadigan mahalliy korxonalar va tashkilotlarning jahon mahsulotlar va xizmatlar bozorida faoliyatini baholash;

tashqi iqtisodiy faoliyat bilan shug'ullanadigan mahalliy korxonalar va tashkilotlarning faoliyatiga ta'sir qiladigan tashqi omillarni baholash to'g'risidagi bilim va tajribalardan amaliyotda foydalana olish;

jahon iqtisodiyoti va xalqaro iqtisodiy munosabatlarga oid prezentasiyalar qila olish va turli-tuman loyihalarni bajara olish;

jahon iqtisodiyoti va xalqaro iqtisodiy munosabatlarning rivojlanishiga oid bo'lgan iqtisodiy ko'rsatkichlar to'g'risida bilim va tajribaga ega bo'lish hamda ushbu ko'rsatkichlarga tayangan holda tahlillar o'tkaza olish;

tashqi iqtisodiy faoliyat bilan shug'ullanadigan korxonalar va tashkilotlar faoliyatini tashkil qilish va boshqarish tizimini zamonaviy talablardan kelib chiqqan holda yaxshilash va kengaytirishga oid chora-tadbirlarni qo'llay olish;

jahon iqtisodiyoti va xalqaro iqtisodiy munosabatlarning rivojlanishini an'anaviy tahlil qilish usullarini amaliyotda qo'llay bilish;

jahon iqtisodiyotida ishlab chiqarish va xizmat ko'rsatish o'rtasidagi farqlarni tahlil qila olish;

jahon iqtisodiyoti va xalqaro iqtisodiy munosabatlar subyektlarining iqtisodiyoti to'g'risidagi bilim va tajribalarga ega bo'lish;

jahon iqtisodiyoti va xalqaro iqtisodiy munosabatlarning rivojlanishini baholashda qo'llaniladigan ijtimoiy-iqtisodiy ko'rsatkichlardan foydalana bilish qobiliyatlariga ega bo'lishi lozim.

Tadbirkorlik faoliyatida:

yangi xalqaro biznes-loyihalarni shakllantirish va amalga oshirish;

xalqaro biznesni tashkil etish;

tashqi savdoni tashkil etish;

xalqaro biznes-rejalarni ishlab chiqish va amalga oshirish;

xalqaro hamkorlar bilan bitimlar tuzish.

2. Kasbiy kompetensiyalariga qo'yiladigan talablar

Vatan va dunyo tarixini bilishi, ma'naviy milliy va umuminsoniy qadriyatlar masalalari yuzasidan o'z fikrini bayon qila olishi va ilmiy asoslay bilishi, milliy istiqloq g'oyasiga asoslangan faol hayotiy nuqtai nazarga ega bo'lishi;

tabiat va jamiyatda kechayotgan jarayon va hodisalar haqida yaxlit tasavvurga ega bo'lishi, tabiat va jamiyat rivojlanishi haqidagi bilimlarni egallashi hamda ulardan zamonaviy ilmiy asoslarda hayotda va o'z kasb faoliyatida foydalana bilishi;

insonning boshqa insonga, jamiyatga va atrof muhitga munosabatini belgilovchi huquqiy hamda ma'naviy mezonlarni bilishi, kasb faoliyatida ularni hisobga olib bilishi;

axborot yig'ish, saqlash, qayta ishlash va ulardan foydalanish usullarini egallagan bo'lishi, o'z kasb faoliyatida mustaqil asoslangan qarorlar qabul qila olishi;

tegishli bakalavriat yo'nalishi bo'yicha raqobotbardosh umumkasbiy tayyorgarlikka ega bo'lishi;

yangi bilimlarni mustaqil egallay bilishi, o'z ustida ishlashi va mehnat faoliyatini ilmiy asosda tashkil qila olishi;

sog'lom turmush tarzi va unga amal qilish zaruriyati to'g'risida ilmiy tasavvur hamda e'tiqodga, o'zini jismoniy chiniqtirish va ko'nikmalariga ega bo'lishi lozim.

tashqi iqtisodiy faoliyatni yuritadigan xo'jalik subyekt faoliyatini rejalashtirish, hisob-kitob va tahlil qilish bo'yicha uslubiy ko'rsatmalar, huquqiy hamda me'yoriy-huquqiy hujjatlarni izlash, tahlil qilish va ulardan kasbiy faoliyatida foydalanish ko'nikmalariga ega bo'lish;

jahon iqtisodiyoti rivojlanishining moliyaviy-iqtisodiy ko'rsatkichlarini tahlil qilish ko'nikmalariga ega bo'lish;

jahon iqtisodiyoti va xalqaro iqtisodiy munosabatlar sohasidagi o'zgarish, siljish va tebranishlar, shuningdek yangiliklarni tahlil qilish va tegishli xulosa chiqarish;

jahon iqtisodiyoti va xalqaro iqtisodiy munosabatlardagi o'zgarishlarga moslashish strategiyalarini ishlab chiqish, rivojlantirish va baholash;

jahon bozori konyukturasida mavjud risklarni aniqlash, baholash, oldini olish yoki bartaraf etish yo'llarini aniqlash;

jahon mamlakatlarini o'zaro birlashtiruvchi turli integratsion guruhlarini shakllantirish va rivojlantirish yo'llarini aniqlash;

mamlakatimizning diplomatik munosabatlarini rivojlantirishda faol ishtirok etish, elchixonalar, konsulliklar va xorijiy tashkilotlarning vakolatxonalarida faoliyat olib borib, O'zbekiston manfaatlarini himoya qilish;

mamlakatlar ishlab chiqarish va xizmat ko'rsatish xo'jalik subyektlari o'rtasidagi tashqi iqtisodiy bitimlarni shakllantirish hamda tadbiq qilishga oid barcha jarayonlarda ishtirok etish;

jahon iqtisodiyoti va xalqaro iqtisodiy munosabatlar ishtirokchilari (xalqaro iqtisodiy tashkilotlar, davlatlar, transmilliy korporatsiyalar) faoliyatiga ta'sir ko'rsatadigan moliyaviy-iqtisodiy risklarni baholash;

xalqaro iqtisodiy tashkilotlar, xorijiy mamlakatlar va transmilliy korporatsiyalarda moliyaviy boshqarish tizimi to'g'risida zarur bilimlarga ega bo'lish va ulardan o'z faoliyatida foydalana olish;

integratsion birlashmalar yoki tuzilmalarda moliyaviy-iqtisodiy faoliyatni tashkil etish va rivojlantirish to'g'risida zarur bilimlarga ega bo'lish va ulardan o'z faoliyatida foydalana olish;

turli mulk shakllariga tegishli, turli tarmoq va sohalarining xo'jalik yurituvchi subyektlarining tashqi iqtisodiy faoliyat xizmatlari hamda bo'limlari faoliyati boshqaruvini tashkil etish va takomillashtirish bo'yicha qabul qilinadigan qarorlarni tayyorlashda ishtirok etish;

O'zbekiston Respublikasining tashqi savdoga oid moliyaviy-iqtisodiy ko'rsatkichlarini tahlil qilish;

xalqaro darajada faoliyat ko'rsatadigan subyektlarning moliyaviy-iqtisodiy faoliyatini o'rganish bo'yicha tadqiqotlarni o'tkazish qobiliyatlariga ega bo'lishi lozim.

3. Amaliyotlarga qo'yiladigan talablar

Ta'lim yo'nalishi bo'yicha malakaviy amaliyot o'tkaziladi:
malakaviy amaliyot – umumkasbiy va ixtisoslik fanlaridan nazariy bilimlarni mustahkamlash va amaliy (ishlab chiqarish) jarayonlari bilan uyg'unlashtirish, tegishli amaliy ko'nikmalar, kompetensiyalar va malakalarni shakllantirishga qaratiladi.

Bibliografik ma'lumotlar

UDK 002: 651. 1/7

Guruh T 55

OKS 01.040.01

Tayanch so'zlar:

Kasbiy faoliyat turi, kompetensiya, modul, ta'lim yo'nalishi, kasbiy faoliyat ob'ekti, kasbiy faoliyat jabhasi, bakalavriatning asosiy o'quv reja va fan dasturi (bakalavriat dasturi), profil, o'qib-o'rganish natijalari, o'quv davri, iqtisodiyot, xalqaro valyuta-kredit munosabatlari, jahon valyuta-kredit bozori, valyuta-kredit tizimi, jahon bozori, xalqaro marketing, xalqaro marketing strategiyalari, to'g'ridan-to'g'ri xorijiy investitsiyalar, erkin iqtisodiy hududlar, jahon xo'jaligi, integratsion jarayonlar, integratsion birlashmalar yoki tuzilmalar, tashqi savdo, eksport-import operatsiyalari, tashqi iqtisodiy bitimlar, muzokaralar, xalqaro iqtisodiy tashkilotlar, xalqaro iqtisodiy munosabatlar, global bozor, xalqaro menejment, biznes strategiyasi, xalqaro diplomatik munosabatlar, tashqi iqtisodiy faoliyat, xorijiy investitsiyalar, xorijiy mamlakatlar, xalqaro siyosat, global xavfsizlik.

KELISHUV VARAG'I

ISHLAB CHIQLGAN:

Jahon iqtisodiyoti va diplomatiya universiteti

Rektor  S. Safoyev

2024-yil « 5 » 06

M.O'.

KELISHILGAN:

O'zbekiston Respublikasi
Tashqi ishlar vazirligi

Vazirning birinchi o'rinbosari

 B.J. A'loyev

2024-yil « 6 » 06

M.O'.



O'zbekiston Respublikasi
Oliy ta'lim, fan va innovatsiyalar
vazirligi huzuridagi Oliy ta'limni
rivojlantirish tadqiqotlari markazi

Direktor  M. Boltabayev

2024-yil « 8 » 06

M.O'.



O'zbekiston Respublikasi
Investitsiyalar, sanoat va savdo vazirligi

Vazir o'rinbosari v.b.  Sh. Gulamov

2024-yil « 8 » 06

M.O'.



Toshkent davlat iqtisodiyot
universiteti

Rektor  T. Teshabayev

2024-yil « 8 » 06

M.O'.



KELISHUV DALOLATNOMASI

Toshkent sh.

2024-yil “ 8 ” 06

Biz quyida imzo qo'yuvchilar Jahon iqtisodiyoti va diplomatiya universiteti hamda asosiy kadrlar iste'molchilari “Oliy ta'lim yo'nalishlari va mutaxassisliklari klassifikatori”ga muvofiq “60411100 – Jahon iqtisodiyoti va xalqaro iqtisodiy munosabatlar” bakalvriat ta'lim yo'nalishi malaka talablari ishlab chiqilganligi haqida axborot berilib, ularni muhokama qilish hamda ushbu ishlab chiqilgan malaka talablari mazmuni bilan tanishtirib, kelishuv haqida ushbu dalolatnomani tuzdik:

60411100 – Jahon iqtisodiyoti va xalqaro iqtisodiy munosabatlar

bakalvriat ta'lim yo'nalishi malaka talablarining ishlab chiqilishida asosiy kadrlar iste'molchilari tomonidan qo'yilgan talablar inobatga olingan.

Shuningdek, malaka talablarining ishlab chiqilishida: O'zbekiston Respublikasi Prezidentining 2019-yil 8-oktabrdagi “O'zbekiston Respublikasi oliy ta'lim tizimini 2030-yilgacha rivojlantirish konsepsiyasini tasdiqlash to'g'risida”gi 5847-sonli farmoni, 2022-yil 23-iyuldagi “Jahon iqtisodiyoti va diplomatiya universiteti faoliyatini tizimli isloh qilish chora-tadbirlari to'g'risida”gi PQ-330-sonli hamda 2019-yil 1-iyuldagi “Oliy va o'rta maxsus ta'lim tizimiga boshqaruvning yangi tamoyillarini joriy etish chora-tadbirlari to'g'risida”gi PQ-4358-sonli qarorlarida, O'zbekiston Respublikasi Vazirlar Mahkamasining 2019-yil 7-iyundagi “Davlat ta'lim muassasalari hamda nodavlat ta'lim tashkilotlarini attestatsiyadan va davlat akkreditatsiyasidan o'tkazish tartibini takomillashtirish to'g'risida”gi 470-son qarori, O'zbekiston Respublikasi Prezidenti Administratsiyasining 2020-yil 9-yanvardagi RA1/1-20-sonli topshirig'i, O'zbekiston Respublikasi Oliy va o'rta maxsus ta'lim vazirligining 2020-yil 30-iyundagi “2020/2021 o'quv yilidan kredit-modul tizimiga o'tish to'g'risida”gi 357-son buyrug'i, YUNESKO tomonidan joriy etilgan “Ta'limning xalqaro standart klassifikatsiyasi” (TXSK 2011) va “TXSK: Ta'lim va kasbiy tayyorlash sohalari” (TXSK-S 2013) hamda O'zbekiston Respublikasi Oliy va o'rta maxsus ta'lim vazirining 2021-yil 19-oktabrdagi “Oliy ta'limning davlat ta'lim standarti. Asosiy qoidalar” O'zbekiston Respublikasining davlat standartini tasdiqlash to'g'risida”gi 35-2021-sonli buyrug'ida belgilangan vazifalarning ijrosini ta'minlash hamda oliy ta'lim sohasini tartibga soluvchi boshqa normativ-huquqiy hujjatlarga asoslanib, shu bilan birga ilg'or xorijiy tajribalarga muvofiq ishlab chiqilgan.

Yuqoridagi bakalavr ta'lim yo'nalishi bo'yicha tayyorlangan malaka talablari va o'quv rejasini ishlab chiqish asosiy kadrlar iste'molchilari bo'lgan vazirliklar va idoralar mutaxassislari tomonidan muhokamadan o'tkazilib kelishildi.

Yuqoridagi ta'lim yo'nalishi bo'yicha malaka talablari o'quv reja va fan dasturlari hamda boshqa hujjatlarni yaratish uchun asos hisoblanadi.

Ishlab chiqilgan malaka talablarini o'rnatilgan tartibda tasdiqqa tavsiya etilishi maqsadga muvofiq.

Jahon iqtisodiyoti va diplomatiya universiteti

Rektor S.S.Safoyev


(imzo) M.O.

« 5 » 06 2024-yil

**O'zbekiston Respublikasi
Tashqi ishlar vazirligi**

**Vazirning birinchi o'rinbosari
B.J.A'loyev**



(imzo) M.O.

« 6 » 06 2024-yil



**O'zbekiston Respublikasi
Investitsiyalar, sanoat va savdo vazirligi**

**Vazir o'rinbosari v.b.
Sh.Gulamov**


(imzo) M.O.

« 7 » 06 2024-yil

**Toshkent davlat iqtisodiyot
universiteti**

Rektor T.Teshabayev


(imzo) M.O.

« 7 » 06 2024-yil

